

Маҳалладош

Кенгашлар фаолиятдан

ҚАРС ИККИ ҚЎЛДАН

МАҲАЛЛА ҳам оила ва ота-она каби улугъ жамоадир. Айниқса, унинг фарзанд тарбияси, ахлоқ-одоб, маданият ва миллий урф-одатларни тарғиб этишдаги роли беқиёс улкан.

Қадимда бир болага етти қўшни ота-оналик қилган дейишди. Бинобарин, илгари ҳам маҳалланинг обрў-этибори, маъқеи ҳар бир ўзбек хонадони учун ҳамиша улугъ бўлиб келган. Бугунга келиб эса, маҳалла комитети раислари ва оқсоқолларининг обрўси янада ошиб бормоқда.

Жумладан, Тошкент шаҳрининг энг ёш районларидан бири — Акмал Икромов райони маҳаллалари билан олиб борилаётган ишлар ҳам, маҳалла комитети раисларининг бу борадаги фаолияти ҳам таҳсинга лойиқ бўлмоқда.

Айниқса, район ижроия комитети раиси этиб сайланган Ғуломназир Абдурашодовнинг Тошкентни ва унинг қадимий халқ аъёнalarини яхши билгани, райондаги Октябрь, Бирлик, Бешқайрағоч, Учтепа каби кўча даҳаларидаги 100 мингдан ортиқ аҳолидан иборат маҳаллалар ишини ташкил қилишда жонбозлик кўрсатгани жуда қўл келди. Бу ишга тарихчи олим Қодирхўжа Фозилхўжаев, районнинг маданий ишлар ташкилотчиси Музаффар Жаъфаров каби жонқуярларни ҳам жалб қилди. Шаҳримизда биринчи бўлиб бизнинг районда маҳалла комитетлари ишини мувофиқлаштирувчи Кенгаш тузилди. Кенгаш ўз ишини район ижроия комитети билан келишган ҳолда маҳалла комитетларининг янги таркибини сайлашдан ва раҳбарликка фидойи, тажрибали, зиёли кишиларни жалб қилишдан бошлади. Кенгаш тезда ўз атрофи-га фаоллар тўплаб, маҳаллаларда жамоат ишини режаларини равишда юргизиб юборди, маҳалла муаммоларини ечишда улар раҳбарларига ижроия кўмита томонидан имтиёзлар берилиши, ободончилик, таълим-тарбия ишлари қизитиб юборилди... Булар маҳалла обрўсини тиклашда биринчи босқич бўлиб тезда бутун шаҳарга ёйилиб, бошқа районларда ҳам бу борадаги ишлар қизиб кетди. 1988 йилга келиб бу ҳаракат катта жамоат кучига айланди. Маҳаллаларга муносабат ўзгарди. Ниҳоят бу иккинчи босқич «Маҳалла» дастурини қабул қилиш, маҳалла комитетлари раҳбарларига маош тасдиқлаш билан юнланди. Аммо режалаштирилган маҳаллалар биринчи қурултойи ҳамон амалга ошмай қолмоқда.

Бизнинг район маҳаллалари мисолида бу босқичга яқин ясаб хулоса қилдикки, ўтган даврда биз маҳаллалардан бўзсув канал билан ажралиб турган район марказидаги раҳбарларнинг юзини маҳалла томон буришга эришдик. Эндиликда бизга очик чехра билан қараётган раҳбарлар билан яқинликда иш олиб боришга эришмоғимиз лозим.

Шундай ҳам бўлди! Аввало тарихда биринчи марта маҳалла фаоллари вакилларини Жумҳурият Олий Кенгашида, шаҳар ва район халқ депутатлари Кенгашига депутат қилиб сайлашга эришдик. Энди маҳалла вакиллари Кенгашларнинг расмий аъзоларидир. Районимиз раҳбарлари маҳаллаларни ҳақиқатан ҳам ҳокимиятимизнинг бошланғич ташкилоти сифатида тан олишиб, маҳалла ишига оқилона ёндошишди ва мунтазам амалий ёрдам кўрсатиб келишмоқда. Бунинг мисоли шуки, ҳафтанинг чоршанба кўни район раҳбарлари учун маҳалла кўни бўлиб қолди. Бу кўни улар тўла таркибда навбатма-навбат маҳаллада фаоллар билан учрашув ўтказиб, камчиликларини жойида ҳал қилиш чораларини ишлаб чиқишди. Бу учрашувларни жамоат Кенгаши ташкил қилади ва ўтказилади.

Айтинг-чи, қачон ва қаерда район раҳбарлари аҳоли билан бундай алоқалар боғлаган?

Бир сўз билан айтганда, бугун ўзбек маҳалласи ҳар бир хонадон аъзоси учун қадрдон гўшага айланиб бораяпти. Чунки, кишиларнинг яхши ва ёмон кўни маҳалла билан экани ҳаммаимизга маълум.

Сандраҳмон МИРЗАЕВ,

А. Икромов район маҳаллалар ишини мувофиқлаштириш Кенгашининг раиси, Ўзбекистон ССР Халқ депутати, профессор.

ЧОЙХОНАДА ГУРУНГ

ФУРҚАТ маҳалласи чойхонасига жамоанинг юздан ортиқ аъзоси йиғилишди. Бу ерга ташриф буюрган райондаги мутасадди ташкилотларнинг раҳбарлари билан аҳоли ўртасида ошқора мулоқот бўлиб ўтди.

Маҳалламизда ўз ечимини кутётган муаммолар талайгина, — деди комитет раиси С. Носиров учрашувда. — Масалан, 450-болалар богчасида шароит етарли эмас. Ҳар бир гуруҳда 40-45 нафардан кичкинтойлар тарбияланишмоқда. 236-мактаб учун спорт зали, сув ҳавзаси зарур. Ободончилик бўйича қилинадиган ишлар кўп. Маҳаллага бириктирилган милиция ходимларининг ўз вазифаларига эътиборсизлик билан қара-

шаётганини ҳам айтиб ўтиш лозим.

Маҳалла фуқароларидан Д. Исҳоқов, Ф. Одилов, Ҳ. Маҳкамов, У. Қодиров, Э. Юсупов ва бошқалар сўзга чиқиб, ўзлари яшаётган кўчаларда канализация, телефон, электр ёриткич, озик-овқат билан таъминлаш масалаларида қийинчиликлар туғилаётгани ҳақида гапиришди. Савол-жавоблар чоғида эса уларни ҳал этиш йўллари келишиб олинди.

Учрашувда А. Икромов район ижроия комитетининг раиси А. Исмолов иштирок этиб, йиғилганлар билан ўз фикр-мулоҳазалари, шунингдек ижрокўм томонидан белгиланган режалар юзасидан ўртоқлашди.

М. ҚОДИРОВА.



Шарифа Алимхўжаева «Юлдуз» тикувчилик ишлаб чиқариш бирлашмасининг 2-филиалда меҳнат қилиб келаётган. Бу моҳир тикувчи зиммасидаги ре-

жаларни мунтазам уйдлаш билан бирга бўш вақтларида ўзи яшаётган маҳалладаги қизларга чеварлик сирларини ўргатмоқда.

Муносибини сайлашди

РАИСЛИККА ТЎРТ ДАЪВОГАР

Ҳа, ҳа. Маҳалла кўмитаси раислигига тўрт даъвогар аниқланди. Илгари оқсоқол сайлаш унча қийин иш эмасди. Кўрсатилган номзод кўпинча жамоанинг қўллаб-қувватлашга олиб келарди. Қайта қуриш сиёсатини ким нима деса десину, аммо у маҳалла аҳлининг онгини ўзгартариб, уларни ҳар бир масалага жиддий қарашга ўргатаётганининг гувоҳи бўламиз. Бунинг юзасидан маҳаллада бўлиб ўтган умумий мажлисда яққол кўрдик.

Кўмита раиси Абдулла ака Алиматов чорак аср маҳаллага оқсоқоллик қилиб, одамларнинг меҳрини қозонди, ўзидан яхши ном қолдириб кетди. У кишини охириги манзилга катта-ю кичик бир эл бўлиб узатдик. Мана, шу воқеага ҳам анча вақт бўлди. Маҳаллани «отасиз» қолдириб бўлмайди. Шу боис кўмитанинг 19 аъзоси ва бир қанча фаоллар

йиғилиб, номзодларни муҳокама қилишди. Қизгин баҳс, мунозара асосида раисликка тўрт киши кўрсатилди. Улардан икки нафари ўз номзодларини қайтариб олишди. Шундан сўнг умумий мажлис чақирилди.

Абдулла ака Алиматов умр бўйи муаллимлик қилган Охунбобоев номли мактабнинг мажлислар хонаси маҳалладошлар билан лиҳ тўлди. Ҳамманинг ҳаёлида бир фикр — ким раис бўларкин? Ниҳоят, мажлис очилиб, номзодлар кўрсатила бошлади. Яна ўша фикр. Охири икки номзодга келиб тўхташди. Бир маҳалла кўмитасининг аъзоси, узоқ вақт раис муовини бўлиб ишлаб келаётган Боқижон ака Тўлаганов, иккинчиси — Мухтор ака Бобоқулов. Сўзга чиқувчилар у ёки бу номзод ҳақида фикр билдиришганда ютуқ ва камчиликларини ҳам ошқора айтишди. Ўз навбати-

да номзодлар ўз иш режаларини гапирдилар.

Биринчи бўлиб сўз олган Боқижон ака, аввало болалар тарбиясига эътибор бериш кераклиги, мактаб ва маҳалла ҳамкорлигини яхшиламоқчи эканлиги, қолаверса маҳалладошларни ижтимоий ҳимоя қилиш, ободончиликка бутун диққатини қаратаётганини таъкидлади. Мухтор ака эса кўпроқ бир вақтлар ўзи маҳаллани ободонлаштиришга қўшган ҳиссаси, бу ишни юқори ташкилотларнинг кўмагисиз бажариб бўлмаслигини айтди.

Савол-жавоблар қизгин тус олди. Таклифлар айтилди. Оқибатда мажлис аҳли Боқижон ака Тўлагановни раисликка сайладилар.

Ҳа, маҳалла уйғонди, у ўз лигини топиб бормоқда.

Неъматжон ҲАСАНОВ,
Ҳамза район маҳаллалар Кенгашининг раиси.

«УЗОҚҚА ҚАТНАШДАН ҚУТУЛДИК...»

АЗАЛДАН ўзбек халқи болажон бўлган. Бунинг биз ҳисоб тадқиқотларидан яхши биламиз. Мамлакатимизнинг Оврупа халқларига қараганда Урта Осиё республикаларида туғилиш анча юқори. Ҳар бир оилда камда 4 — 5 нафардан фарзанд бор. Уларни кийинтириб, едириб-ичириш ўзи бўлмайди, албатта. Айниқса ҳозирги бозор иқтисодиётига ўтиш даврида нарх-наволарнинг 3 — 4 баробар кўтарилиб кетганлиги катта қийинчиликлар туғдирмоқда. Ахир уйда бир эркакнинг ишлаган маоши шунча кишига етмаслиги аниқ. Республикамиз, хусусан шаҳримизда оилалардаги ана шу жиҳатлар ҳисобга олинмоқдами?

Айни пайтда шаҳримизнинг кўп қорхоналари томонидан кўп болали аёллар уйда ишлаш учун шароит яратиб беришмоқда. Бунга пойтахтимиздаги бадий буюмлар, «Юлдуз», «Қизил тонг» тикувчилик ишлаб чиқариш бирлашмалари ва бошқа қорхоналарни мисол қилиб келтирса бўлади.

Лекин бу билан аёлларни иш билан

банд қилиш тўлиқ ҳал этилмаяпти. Шундай экан улар яшаётган маҳаллаларда ҳам бирор чора-тадбирлар кўрилаяптими? Шу ўринда «Камолон» маҳалласида кўп хайрли ишлар қилинаётганини мисол тариқасида келтирсак арзийди.

— Ҳозирги кунга келиб бизнинг ҳудудимизда иккита кичик қорхона фаолият кўрсатмоқда, — деди комитет раиси Абдукарим ака Шоҳидов. Буларнинг бирида ишчи кийимлари, иккинчисида эса табиёт ходимлари учун ҳалат тикилмоқда. Цехларда асосан маҳалламиздаги хотин-қизлар ишлашапти. Уларнинг маоши ҳам юқори. Ойига 250 — 300, ҳатто баъзан ишига қараб 400 сўмгача олишапти.

— Бу кичик қорхоналар аёлларимизга жуда қулай бўлди, — сўзбатга қўшилишди тикувчилардан Насиба Ҳасанова ва Гулбаҳор Ҳақимова. — нега деганда илгари кўпчилик узоққа қатнаб ишлашга мажбур эди. Энди бундай ташвишдан қутулдилар.

Ғулом ЮСУПОВ.

— Келинлар, яхшиси ҳашар уюштирамиз!
Кабиржон аканинг бу сўзлари фаолларни жонлантириб юборди, уларда умид учкунларини уйғотди.
— Жуда ўринли таклиф, — деди Маҳмадали ака Азимов.
— Маънаф бўлмагандан кейин бундан ўзга чора йўқ. Барча ёғоч ишларини менинг зиммамга юклайверинлар.
Собит ака ва Олим акалар гишт териш, Одиҳўжа ака эса сувоқчиликка бош бўлишларини айтишди. Шундай қилиб поликлиника қурилиши бошланиб кетди. Қулай бўлгани, худди шу дамларда шаҳар марказида янги маъмурий бинолар бунёд этилиши сабабли турар жой бошқармаларига қарашли уйлар бузила бошлади. Кабиржон ака елиб-югуриб, 200 квадрат метр майдонни маҳалла ихтиёрига олишга муваффақ бўлди. Ҳашар ташкил этиб, тахта, тунука, эшик, ром каби жиҳозлардан 40 машина келтириб олдилар. Қараб турибсизки ишлар юришиб, ҳозир Киев кўчасида савлат тўкиб турган 21-шаҳар поликлиникаси филиалининг биноси қуриб битказилди.



Олкиш олаётган оксоқоллар ЭЗГУЛИККА ЙЎҒРИЛГАН У М Р

— Жамоамизнинг аҳиллиги ва ғайрат-шижоатига барча қўйил қолган эди, — эслайди Кабиржон ака ўша дамларни. — Бизга ажратилган 7 сотих майдонга нон ва озиқ-овқат дўконлари ҳам қуриб олдик. Миртемир кўчасидаги ташландиқ жой текислашиб, ўрнида чойхона ҳамда клуб бунёд этилди. Ҳозир олма, бодом, қизил султон, олхўри дарахтлари шигил ҳосилга кирган бу сўлим маскан кексаларимизнинг ҳақиқий ҳордиқ чиқарадиган жойига айланган. Чойхона ҳовлисида фаввора отилиб турибди. Маҳалламизни ободонлаштиришда фидойилик кўрсатган, ҳозир марҳум Носирхон Азимов, Комилмаҳсум Одилов, Сандазим Абдурахмонов, Маҳмадали Азимовларнинг номини ҳурмат билан эслаб турамыз.

Маҳалла ҳудудиде дастлабки бунёдкорлик ишлари бошланганига 25 йилдан ошди. Шундан бери Кабиржон ака гоҳ раис, гоҳ раис ўринбосари бўлиб ишлаб, жамоага бош-қош бўлиб келмоқда. У киши билан хизмат юзасидан кўп марта учрашиб, суҳбатлашганмиз. Уларни ҳуқуқшунос бўлганлари учунми бирор масала юзасидан фикр билдиришдан олдин обдон, ҳар томонлама ўйлаб оладилар. Турмуш тарзими ҳақидаги теран мушоадалари Тошкент шаҳар маҳалла кўмиталарининг Низоми тайёрланаётганда ҳам ўз аксини топган. Кабиржон аканинг сазй-ҳаракатлари билан юзга келган бу ҳужжат маҳаллаларда ижтимоий-иқтисодий муаммоларни ҳал этишда катта аҳамият касб этмоқда.

Ким эл дарди ва ташвиши билан яшаса халқ ўртасида эъзоз топади. Доноларимиз бу сўзларни топиб айтишган. Айни пайтда Киров районидаги «Янгиорик» маҳалла кўмитасига раислик қилаётган Кабиржон ака ҳам ўзининг ташаббускор ва тadbиркорлиги туфайли ҳурмат-обрў топмоқда.

— Маҳалламиздаги 750 хонадоннинг барчаси табиий газ ва кичимлик суви билан таъминланган, — дейишди кексалар қўли билан. — Уларнинг 85-90 фоизига канализация қувурлари ўтказилган, уй ҳаммомлари бор. Телефон хизмати яхши йўлга қўйилган. Фаровон турмуш тарзини қарор топтираётган маҳаллабонимиздан миннатдоримиз.

Кишининг меҳнати қадрланса, унга янада куч-қувват бағишлайди. Тиниб-тинчимас Кабиржон ака ҳозирги кийинчиликларга қарамай одамларнинг ҳаётини яхшилаш учун қўлидан келганча ҳаракат қилапти. Фаоллар кўмағида Тўхтасин Жалилов ва Киев кўчаларидаги бир пайтлар ахлатхонага айланган жойлар ободонлаштирилиб, рўзнома-ойномалар дўкончаси ўрнатилди. Маҳаллада ҳадемай кўрпа, кўрпача ва ёстиқ жипдлари тайёрланадиган кичик корхона иш бошлади. Бундай қулайлик яратилгач шу атрофдаги Жомий, Уста Ширин, «Турккўрғон», «2-Кисловодск» маҳаллаларида истиқомат қилаётган 250-300 нафар аёлларни иш билан таъминлаш имконияти пайдо бўлади. Биргина булар эмас. Ҳозир отахонлардан 16 нафарига кўмита ҳисобидан сартарошхонада бепул хизмат кўрсатиляпти. Учта болалар богчасида асосан маҳалладаги кичкинтойлар тарбияланишмоқда.

Кабиржон ака Комилов район маҳаллалар ишини мувофиқлаштириш Кенгашига ҳам раҳбарлик қилмоқда. Ҳозирги кунда 26 та маҳаллада олиб борилаётган ишлар асосан «Маҳалла» дастурининг бажарилишига йўналтирилган. Кўмита раислари ва фаоллар билан ўтказилаётган йиғилишларда райондаги мутасадди ташкилотларнинг раҳбарлари билан биргаликда ижтимоий-иқтисодий аҳвол таҳлил қилиниб, тadbир ва режалар белгиланмоқда. Утган йили Киров район ва Ленин обод шаҳри маҳаллалари ўртасида дўстлик, ҳамкорлик ва қардошлиқни янада мустаҳкамлашга мўлжалланган шартнома тузилиб, ҳамкорлик йўлга қўйилганини алоҳида таъкидлаш зарур.

Одамлар орасида ниманидир куюниб гапирётган, қандайдир юмуш билан шошиб кетаётган ёки бирор нарсадан кўнгил тўлмай муҳарририятга кириб келган Кабиржон акани кўрганимизда беихтиёр орамизда шундай кишилар борлигидан гўрурланиб кетаман...

Саъдулла ШОДИЕВ.

БИНО ҚАЙТА ТАЪМИРЛАНДИ

ҲУДУДИМИЗДАГИ омонат ва крим кассаларининг биноси яроқсиз ҳолга келиб қолгани учун бу идоралар бошқа жойга кўчирилган эди. Шундан бери узоққа қатнаётган аҳоли анча қийин аҳволга тушиб қолганди.

Бизнинг ва шу яқин атрофдаги маҳаллаларнинг фаоллари ёрдам сўраб Ўзбекистон

ССР халқ депутати Ш. Т. Нусратовга мурожаат қилишди. У кишининг сазй-ҳаракати туфайли омонат ва крим кассасининг эски ўрни қайтадан таъмирланиб, яқинда фойдаланишга топширилди.

Ж. ТОШПҮЛАТОВ,
Куйбишев районидаги «Иттифоқ—17» маҳалла комитетининг раиси.



Пойтахтимизнинг «Бодомзор» маҳалласидаги энг яхши анъаналардан бири — қўшинчилик муносабатлари намунаси йўлга қўйилган. Тўқтин Қаримов тасвирга туширган ушбу давҳада Фир-

давсий кўчасида яшовчи Дилфуза Насриддинова (чап томонда) қўшиниси Хурнопа Иноғомова ва унинг қизи Мактубаларни хонадонига таълиф қилапти.

МАРҲАМАТ, СЎРАЙВЕРИНГ

С. ТОЛИПОВ: Тошкентда ишлаётганимга 2 йил бўлди. Оилавий шароитимни яхшилаш учун уй олувчилар рўйхатида ёзилиш мақсадида район юртим комитетига бордим. У ерда беш йил яшаганимиздан кейингина рўйхатга олинмасиз дейишди. Шу тўғрими!

ЖАВОБ: Ҳа, тўғри. Турар жой шароитини яхшилашга муҳтож кишилар Тошкент шаҳрида камиди 5 йил, республика (мухтор республика), вилоятга бўйсунувчи шаҳарларда эса 3 йил, бошқа шаҳарлар ва аҳоли яшаш жойларида камиди бир йил доимий яшаётган ва пропискада бўлган кишилар (геология-қидирув идоралари ва қонунда кўрсатилган бошқа ташкилотларнинг ходимлари бундан истисно) бўлишлари зарур.

Абдужалил ҲАСАНОВ,
ҳуқуқшунос.

Урганчдан мактуб

БИР-БИРИМИЗГА МАСЛАКДОШМИЗ

Ишдан ташқари асосий вақтимиз маҳаллада кечади. Шундай экан, бу жойларда барча шарт-шароитларни яратиш катта аҳамиятга эгадир. Шовот районидаги «Москва» жамоа ҳўжалигининг турмуш маданиятини юксалтириш бўйича тажрибалари бизни қизиқтириб қолди. Айниқса жамоатчилик марказининг фаолияти ибратлидир. Зеро, комитетимиз бажараётган кўпгина ишлар марказдаги оммавий тadbирларга жуда ўхшаш.

Комитетимизда ҳар бир хонадон учун махсус паспорт тузилган. Бу ҳужжатда барча керакли маълумотлар бор. Эндиликда оила аҳоли билан яқиндан танишиш имкониятига эга бўлди. Фаолларимиз шу асосда тadbирлар белгилаб чиқишмоқда.

Хайрли ишларимиздан яна бири фаоллар билан хонадонларда бўлиб, уй тутиш ҳақида суҳбатлар ўтказдик. Махсус кўрик-семинарлар ташкил этиб, ҳовлиларнинг орасталигига эришилди.

Маҳалламизда 3300 нафар киши истиқомат қилади. Улар орасида ўзаро аҳиллиги, меҳнатсеварлиги билан ном қозонган, эл-юрт орасида обрў-эътибор топанлари талайгина. Ун фарзандни тарбиялаётган Қурбонбой ака, қахрамон она Шарифахонларнинг оилалари фикримизнинг далили бўла олади. Айниқса, ҳам ота, ҳам она ўринини босиб, ўрнатилган Шарифахон шайнига ҳар қанча таҳсинлар айтсак арзийди. Турмуш ўртоғи Карим ака тўсатдан вафот этди-ю катта рўзғор, ўнта бола-чақа ташвиши ёлғиз ўзига қолди. Яхшиям эл-юрт бор экан. Одамларнинг меҳр-оқибати, ғамхўрлигини кўрган аёл ўзини қўлга олиб, ма-



ҳалла ишларида фаол иштирок эта бошлади. Ўз навбатида кўмита онага ҳамдард бўлиб, фарзандларининг ўқиши ва ишлашига ғамхўрлик қилди. Оқибатда улар одобли, меҳнатсевар бўлиб юзга етишди. Қодир ва Отажонлар Совет Армияси сафида ўз бурчларини ўтаб қайтган қурувчилар, шофёрлик касбларини танлашди. Бир қиз эса моҳир тикувчи. Барча фарзандлари камолдан маҳалладагилар ҳам, Шарифахоннинг ҳам боши осмонда.

Азалдан эл қувончи ва ташвишини баҳам кўриш, турмуш машаққатларини биргаликда енгиш олийжаноб фазилатларимиздан биридир. Ана шу гўзал одат турмуш тарзимизга чуқур сингиб бормоқда. Гоголь кўчасида яшовчи Лаълихон Аҳмедова оиласининг бошига ташвиш тушди. Бемаҳал чиққан ёнғинини ўчириш имкони бўлмади. Уй ҳам, анжомлар ҳам ёниб кетди. Ҳукуматимизга раҳмат, тезда моддий ёрдам берилди. Қўни-қўшинлар

қараб туришмади. Маслаҳатлашиб кийим-кечак, кўрпа-тўшак, рўзғор асбоблари билан таъминладилар.

Халқимизнинг турмуш фаровонлиги ошган сари оила тананалари, тўй-ҳашамлар кўпайиб бормоқда. Бизда айниқса никоҳ тўйлари мазмунли, хушчақчақ ўтапти. Кўмита аъзолари, депутатлар, ҳурматли отахон онахонлар бу унутилмас дамларда фаол иштирок этмоқдалар. Таъбир жоиз бўлса шу кунни оила жамоатчилик кўригидан ўтади.

Қувончлиси шундаки, маҳалламиз аҳли турмушни янада фаровонлаштириш, яхши яшаш, ҳаётни мазмунли воқеалар билан бойитиш учун бор куч-ғайратларини аяматирлар.

Эгамберган
ИСКАНДАРОВА,

Хоразм вилояти Урганч шаҳридаги Сизов номи маҳалла комитетининг раиси.

© СУРАТДА: Э. Искандаров (ўртада) фаоллар даврасида.



Пиру бадавлатларимиз

ЕТТИ КЕЛИН, УЧ КУЁВ ИЗЗАТИДА

ЗУЛФИЯ Усмон билан турмуш қурганида, шунчалик бахтли бўлишни тасаввур қилмаган эди. Ҳозир у Қаҳрамон она. Ўғиллардан Холмат, Исмоил, Исроил, Исмомил, Иброҳим, Боқижон, Мурод, шунингдек Муборак, Мукаррам, Мавлуда исмли қизларининг барчаси уйи-жойли. Етти келин, уч куёв ҳам фарзандлари қаторига қўшилган. Невараларини айтмайсизми? Бир-биридан ширин-шанар 30 нафар улар. Ўғил-келиндар ота-она билан бир ҳовлида яшашди. Ҳам

маси аҳил. Бир-бирига меҳрибон. Бир қозондан овқат ейишади.

— Барака тотувликда, деди Зулфия ая суҳбат чоғида. — Фарзандларим қанотларим, Уларнинг аҳиллиги танимга куч-қувват бағиш-ламоқда.

Агар хонадон билан яқиндан танишмоқчи бўлсангиз, марҳамат, «Самарқанд Дарвоза» маҳалласига келинг. Сизга ифтихор билан Усмон Жўраевлар хонадонини кўрсатиб юборишади. ШОМАХМУД ШОБИЛОЛОВ.

ДАНАГИДАН МАҒИЗИ ШИРИН

ХАЛҚИМИЗДА «Агар сен ҳаётинг мобайнида жила бўлмаса бир туп дарахт ўтказган бўлсанг демак умринг зое кетмабди», деган яхши гап бор. Тоир ака Яхёевнинг ҳам орзулари чексиз эди. Қўқисдан бошланган уруш йигирма ёшли йигитнинг бутун ниятларини алғов-далғов қилиб юборди. У ҳам кўплар қатори Ватан ҳимоясига отланди. 1942 йилнинг март ойида Москва гарбида биринчи жангга кирди. Кейин Смоленск ва Витебскдаги оғир жангларда қатнашди. 1943 йили оғир ярадор бўлиб, яна жонажон Тошкент шахрига қайтиб келди...

Ҳа, у ёшлигида ўз ҳовлиси-га ўтказилган дарахтларга кўп мафтун бўлар эди. Ана шу иштиёқ умр бўйи сақланиб қолди. Жангда орттирган жа-роҳатлари бироз тузалгач меҳнат кўчоғига отланди. Қандолатчилик фабрикасида, нон заводида, темир йўлда, почта хизматида меҳнат қилди.

Йиллар ўтаверар экан. Эндиликда Тоир ака умр йўлдоши Азиза опа билан бири-биридан одобли тўққиз фарзанд-

ни — тўрт ўғил ва беш қизни вояга етказишди. Шаҳримизнинг Октябрь районидаги Ҳувайдо маҳалла аҳли Яхёевлар оиласи ҳақида оқизларидан бол томиб гапиришади. Бу оила аъзолари маҳаллада бўладиган тўй ва бошқа маросимларда сидқидилдан хизмат қилишади.

— Данагидан мағизи ширин деган гап жуда топиб айтилган экан, — дейди Тоир ака Яхёев. — Ҳозир биз ўттиз беш невар ва иккита чеваралимиз. Фарзандлар, невар ва зваралар камолини кўрганда ўзимда йўқ сезиниб кетаман, ҳаёт йўлим беҳуда кетмаганлигидан қувонаман.

Дарҳақиқат, ушбу оила ҳақида, оиланинг фарзандлари ҳақида ҳар қанча тўлиб-тошиб гапирса арзийди. Чунки бу оиланинг ҳар бир аъзоси эл-юрт хизматиға камарбаста бўлган ажойиб кишилардир. Бундай инсоний фазилатларни эса улар оила сардорлари бўлмиш Тоир ака ва Азиза опадан ўрганишган.

АНАТОЛИЙ АНИСИМОВ.

Унутилаётган меросимиз

УРЧУҚ

МУСАВВИР Зокир Иноғомовнинг «Урчуқли қиз» асарини томоша қилиб ҳаёлга толдим. Рўпарамдаги қизнинг чеҳрасида табассум, «чир-чир» айланиб, ипни пишитаётган урчуқдан кўзини узмайди. Узи севган машғулот билан банд. Унинг шу касбга меҳри, маҳорати яққол сезилиб турибди.

Болалигимда урчуқни кўп кўрганман. Ҳатто, шу кичик қўл дастгоҳида пахта ва жуллардан ип йиғиришни ўрганиб ҳам олгандим.

Урчуқ бир ярим, икки қарич келадиган ингичка таёқчага ўрнатилган айланма чигирикдан иборат бўлиб, бу дастгоҳни ҳамма ўзи ясаб олса бўлади. У қулай, алоҳида жойни талаб қилмайди. Чеварлар биров билан суҳбатлашиб ёки қўшиқ тинглаб ҳам ип йиғираверадилар.

Кичик, ихчам дастгоҳнинг иши ниҳоятда унумлилиги кишини ҳайратга солади. Калава-калава иплар... Улар турли рангларга бўялган. Ҳадемай гилам, шолча, пайпоқ, хвужун, гиламли кийим-кечаклар тўқилади. Буларнинг барчасида урчуқнинг салмоқли ҳиссаси бор.

Урчуқ бир неча аср аввал кўчманчи халқлар томонидан кашф этилган, дейишади. Ҳақиқатдан ҳам бу дастгоҳ ибтидоий халқ санъатидир.

МУЯССАР ШОЁҚУБОВА.

Бу киши — биздан

АБДУҲАМИД АКАГА ЎХШАГИМ КЕЛАДИ

ҲАР тонг маҳалламиз бўйлаб ишхонага ўтиб борар эканман, саранжом-саришталикдан баҳри-дилим очилади. Дарахтлар соя-салқин солиб турган кўчалар доимо озода, сув сепиб, сугурилган бўлади. Ана шундай фойзли маскандаги хонадонлардан бирида Абдуҳамид аканинг оиласи истиқомат қилмоқда. У кишининг Фотима ая билан турмуш қурганларига 30 йил бўлаяпти. Шу вақт давомида эр-хотин энг яхши жиҳатлари билан маҳалла аҳли ҳурматини қозонишди.

Абдуҳамид аканинг ажойиб фазилатларидан бири одамларга меҳрибон, уларга қўлидан келган ёрдами-ни аямайди. Ҳозирги кунда

Тошкент тиббиёт олийгоҳида шифокор бўлиб ишлаяпти. Маҳаллада қимнинг тоби қочиб қолса унга мурожаат қилишади. Абдуҳамид ака кундуз куними, тундами дарҳол ёрдамга ошиқади.

— Кечаси соат иккилар атрофида бирдан қон босим кўтарилиб, ўзимни ноҳуш сеза бошладим, — дейди кўшнимиз Муҳаббат ая. — Уйдагилар нима қилишларини билмай Абдуҳамидни чақириб келишди. Барака топгур бирпасда биринчи ёрдам кўрсатиб, ҳаммамизни тинчлантирди. Маҳалламизда ўз бурчини фидойилик билан оқлаётган шифокорга миннатдорчилик сўзларини изҳор қилаётган кишилар талайгина қувончлиси, фар-


зандлар ҳам ота касбини эгаллашаяпти. Катта ўғил Абдуқаҳҳор, қизлардан Моҳира ва Мавжудалар турли тиббиёт илмгоҳларини тугаллаб, айни пайтда шифокор бўлиб меҳнат қилмоқдалар. Кенжа ўғил Абду-саиджон эса Тошкент тиббиёт олийгоҳининг 5-курсида таҳсил кўрмоқда.

Мени жонқуярлиги билан, шунингдек фарзандлар тарбиясида бошқаларга ўр-нак бўлаётган Абдуҳамид ака, Абдуҳасановга жуда ҳа-васим келади.

Дилором РАСУЛОВА,

хизматчи.

СУРАТДА: шифокор Аб-дуҳамид Ҳасанов беморга тиббий хизмат кўрсатмоқда. Тўлқин Каримов сурати.



Акс садо ЭСКИ УЙЛАРНИНГ ҚАДРИГА ЕТАЙЛИК

РУЗНОМАНИНГ шу йил 13 июнь сониди эълон қилинган «Эх, эгизак уйлар» деб номланган мақолани зўр қизиқиш билан ўқиб чиқдим. Мақолада кўтарилган муаммо ниҳоятда жиддий ва баҳсталаб-дир. Муаллиф Равшан Ражабовнинг фикрларига қўшиламан. Чиндан ҳам пойтахтимизда бир-бирига ўхшаш бетонли ва темир ҳажм-блокли уйлар кўпайса кўпайяптики, камаймаяпти. Бундай турар-жойлар саратонда ҳаддан ташқари исиб кетади, аёзли дамларда эса зах. Уларда яшаш мушкуллигини наҳотки раҳбарларимиз билишмаси?!

Мен истиқомат қилаётган Чилонзор районидаги «Чилонзор» маҳалласида 10 та икки қаватли уйлар бор. Ҳар бирида 12 тадан оила истиқомат қилувчи бу бинолар ғишдан қурилган. Уларнинг қулайлиги шундаки, ёзда салқин, қишда эса иссиқ бўлади. Хоналарда иссиқ ва совуқ суя, газ, қўйинчи, худди кўп қаватли уйлардек барча шароитлар муҳайё. Шу ўринда ўз-ўзидан савол туғилади. Ҳозир ҳам уйларни ғишқ ғишдан қуришнинг иложи йўқмикин? Тўғри, бетонли ва темир ҳажм-бетонли уйлар арзон ва кўп меҳнат талаб қилмайди. Аммо одамлар саломатлигини ҳам инobatга олиш зарур.

«Қаловини топсанг, қор ёнади», дейишади. Ҳаммаси мутасадди ташкилотлар ва раҳбарларнинг уддабуронлигига боғлиқ. Янги уйлар бунёд этишга миллий жиҳатларимиздан келиб чиққан ҳолда ёндошмоқ зарур, деб ҳисоблайман.

Исмоил ЗОИРОВ.

Ҳаётнинг рангин лаҳзаси

«ОИЛА»

«Оила» асари 1968-70 йилларда мусаввир Маннон Саидов томонидан яратилган. Айни пайтда Ўзбекистон ССР Давлат санъат музейидан муносиб ўрин олиб турибди. Музейнинг катта илмий тодими Маҳмуд Аҳмедов ююкдор билан учрашиб, асарнинг яратилиши ҳақида гапириб беришни илтимос қилди.

— Йирик ижодий ишларимга қараганда кўпроқ мана шундай кўз илғамас кўринувчи тасвирларга меҳрим чексиз. Асарни ишлашда калаванинг учини топиш кўп қийнади. Кейин эса тезда битди-қолди. Жамоатчилик уни юқори баҳолади.

«Оила»да кўзланган мақсад, жамоа хўжаликларидеги ҳаётнинг бир лаҳзасини тасвирлаш, унга халқимиз орзу-истакларини сингдириш эди. Бунга эришдим шекилли, кўпчиликка маъқул бўлди. Аслида асар номини «Тонг. Оила», деб атаганман. Сабаби, бу ерда бир эмас, икки мавзу бор. Бир — меҳрибон, саҳий она табиатнинг субҳидами. Иккинчи ўринда эса велосипед миниб, даладан қайтаётган оила аъзолари.

Асарга эътибор берсангиз, табиат зангори осмон каби кўм-кўк тасвирланган. Бу ранг қаҳрамонларда ҳам акс этиб турибди. Хўш, бунинг сабаби нимада? Ҳозир чўлни ўзлаштириш, сув учун курашиш йиллари ортда қолди. Бўз ерларга дарёларни буравериб, бутун бошли Орол денгизига сув оқизишни унутиб қўйгандек. Мен экология бузилишини ранглар орқали тасвирлашга ҳаракат қилдим.

Қадимда Тошкентимиз атрофида бир неча сабзавот ва боғдорчилик хўжаликлари бўларди. Уларни кўп марта айланганман. Хўжалик аъзоларидан кўпчилиги у эркакми, аёлми далага велосипедда боришарди. Ана шу манзара асарда ўз аксини топди.



ХОЛДОР ҚИЗИҚ

ХОЛДОР ака Солиевни болалик кезларимда кўп марта кўрганман. Барча у кишини «Холдор қизиқ» дейишарди. Янгийўллик бу санъаткор Маннон Уйғур номидаги Тошкент вилоят мусикий театрида Отавали Нуриддинов, Абдуллажон Охунов, Очилов Отахоновлар билан бирга ишлаган. У нафақат қизиқчилик қилган, балки сахнада роллар ҳам ўйнаган. Масалан, «Нурхон» драматизациясида Хузурхўжа образини яратиб, эл-юрт таҳсинига сазовор бўлганди. Шунингдек, Собир Абдулганининг «Тоҳир ва Зўҳра», Умаржон Исмоиловнинг «Рустам» асەرларида ҳам роллар ижро этган.

Холдор қизиқ Андижоннинг «Қоплон» маҳалласида туғилган. 40-йилларда Янгийўл шаҳрига келиб, янги ташкил этилган театрга ишга киради. Унга машҳур танбурчи ва хонанда Отавали Нуриддинов устозлик қилган.

Журналист ва шоир Зокир Куртнезиевнинг Янгийўл район рўномасида эълон қилинган мақоласида Отавали ота шундай хотирлайди: «Холдоржонни ҳаммамиз беҳад ҳурмат қилар эдик. Яқин қирқ йил бирга халқ хизматида бўлганмиз. Дарҳақиқат, ажойиб инсон, санъатга жон фидо этувчи, томошабинни сира зериктирмайдиган, топқир эди. Унинг хўп ажойиб фазилатлари бор эди. Сахнада қизиқчи бўлиб халқни кулдирадиган, соҳнада сафига қўшилиб саз чаларди. Мехнатдан сира эринмасди. Шу сабабли жамоанинг ҳам, халқнинг ҳам чексиз ҳурмати сазовор бўлганди».

Аслида санъатни севиб қолишимда балки, Холдор қизиқ сабабчи бўлгандир. Эғнида киши кулгиси қўзғатувчи гилам тўн, бошларига эса, чўққайма, худди казакларникидек гилам қалпоқ кийиб, одамлар орасида киши кайфиятини очиб юбуровчи турли ҳаракатлар қиларди. Қизиқчиликни бош кийимдан бошлаб, уни қўлга олиб, шундай дерди: «Бу бош кийимим устидан хо кулинг, хо кулланг, сизларни билмадим-у, мен учун жуда қадри. Егин-сочин, қиш кунлари, ёзнинг саратон иссиғида бошимни турли балолардан асрайди. Бирор жойга борсам овқат сузишга идиш бўлмаса, идиш қидириб ўтиришнинг сира ҳождати йўқ. Суюқ овқатми, қуюқ овқатми шу қал-


поғим тўлғунча суздириб, қорнимни қаппайтириб юравераман. Бирор жойда ухламоқчи бўлсам, тўним тўшак, қалпоғим ётиқ. Халқ хунарамандларидан ўргилай, бу кийимларни зап, ҳар томонлама пухта ўйлаб топишибди-да. Бўлмаса ҳолимга маймунлар йиғлаб, оро кучада қолиб кетармидим...»

Холдор қизиқ ижодхонасидан яна бирини эшитиб, халқ қаҳқаҳасининг гувоҳи бўлгандим. У тумонат одам орасида шундай дегани ҳамон эсимда: «Бир қадрдон дўстимникига меҳмонга борсам қаҳратон қиш чилласида шифобахш таом деб, атала пиширибди. Мақтаб-мақтаб менга ҳам катта косада келтирди. Иморатни у ер бу ерини тузатгандек, мабодо ичингизда ғадир-будир жойлари бўлса ўзингиз биласиз текислашни деб, мен билан азалий ўртоқ эмасми, ҳазиллашди. Дўстимнинг кўнгилочар гапларидан сўнг, иштаҳам кўрғур роса қарнайдай очилибдими, таомилга кўра қуюқ овқат қўлда ейилади, суюғи эса хўп-лаб ичилади, деб қошиқсиз хўплашга ҳаракат қилдим. Яхшигина хўрллабтиб тортган эканман, аввал оғзимда атала эмас, олов ёнаётгандек бўлди. Меҳмонман ҳар ҳолда, билдирмасликка обдон уриниб кўрдим, бўлмади. У ён қилиб бу ён қилиб, хуллас «Биродар, бу иморатингизни қачон қургансиз!» деб, қайноқ аталани ютиб юбордим. «Касални яширсанг иситмаси ошқора қилади», деганлари рост экан. Анча қайноқдан қизариб-бўзариб, пешонам, юзим, аъзойи баданимдан тер чиқиб кетганди. Мезбон: «Бу иморатимни оғзингиз кўмасдан анча олдин қургандим» деганди, тамом бўлдим. Ана, кўрдингизми, меҳмонга нисбатан мезбон тийрак бўларкан. Топди».

Булар биз учун оддий гаплардек туюлса-да, Холдор қизиқ тили билан ҳар бир сўз бирма-бир жонланиб, ичакузди кулги ҳосил этарди. У кишининг ҳар бир чиқишларини халқ ниҳоятда зўр иштиёқ билан кутарди.

Бирор даргоҳда таълим олмаган бўлса-да бу иқтидорли санъат соҳиби дилимизда яшаб келмокда.

Аҳад МАҲМУДОВ.



Сўлим «Бўзусув» бўйида кўнгилли ҳордиқ чиқаришга нима етсин!
Тўлқин Каримов сурат-лавҳаси.

Ёз қандай ўтмоқда?

ҲАР ДАМИ ГАШТЛИ

«Ғалаба» боғида жойлашган «Лотос» фирмасининг хизмати таҳсинга сазовордир. Бокча яқин жойдаги кўлни ижарага олган бу жамоа хайрли тадбирлар ташкил этмокда. Ҳозирги айни жазирма ёз палласида бу ерга келиб, зилол сувда чўмилиб қайтаётганлар кўпчилигини ташкил этапти.

Оромгоҳда ширкат томонидан жуда катта қулайликлар яратилган. Хоҳловчилар сузиш анжумлари ва спорт буюмларини ижарага олиши мумкин. Чўмилиувчилар учун кийим сақлайдиган ва алмаштирадиган хоналар, душхона, машина қўйиладиган жой, дам олиш тўшаклари, кичик ёшдаги болаларга эса аримчоқлар мавжуд. Бундай қулайликлардан баҳраманд бўлиш учун ширкатга мурожаат қилинса бас. Дам олиш кунини мазмунли ўтказиб кетса бўлади. Чипта-нинг нархи эса катталарга 0,50 тийин, болаларга эса 0,20 тийин.

Кўлда биргаликда чўмилётган бир неча йигитлар билан суҳбатлашиб қолдик. Улардан бири шу атрофдаги «Гидростанция» маҳалласида яшовчи Саид Мирсодиқов экан.

— Мен бу йил 105 мактабнинг 10 синфини битирдим, — деди у. — Ҳар доим тенгқурларим Назрилло, Мурод ва Воҳидлар билан шу ерга келиб, дам оламиз. Чўмилишни ўрганиб олдик. Агар хоҳласанг ширкатдан ижарага бодминтон, шахмат-шашка ёки нарда олиб ўйнаймиз.

«Бодомзор» маҳалласидан ташриф буюрган Улуғбек Аҳмаджонов, Убайдулло Султонов ва Қаҳрамон Пулатовлар ҳам мазкур оромгоҳда кўрсатилаётган хизматдан мамнун эканликларини айтишди. Шу билан бирга келгусида кўл янада кенгайтирилса яхши бўларди, деган фикрни билдирдилар.

— Уларнинг гапида жон бор, — деди «Лотос» фирмасининг бошлиғи Владимир Переселков, дам олувчиларнинг мулоҳазаларини билгач. — Узимиз ҳам шу ҳақда бош қотираямиз. Чунки пойтахтнинг барча ҳудудларидан одамлар келишса, жой масаласида қийинчилик туғилиши мумкин. Шунинг ҳам айтишим керакки, яқинда комиссия кўригидан ўтиб, ишни бемаълос давом эттиришга рухсат олдик. Дам олишга асосан ёшлар келишади. Кунига 400—500 одамга хизмат кўрсатаймиз.

Ёдгор ОЛИМЖОНОВ.

Йўл-йўлакай

ШАФТОЛИЗОРДА

БОЛАЛИГИМДАГИ икки воқеа ҳеч ёдимдан чиқмайди. Бир кунни маҳалламиздан ўтиб бораётган эдим йўл ёқасидаги боғда оқ шафтоли фарқ пишиб, тағига тушиб ётган экан. Беихтиёр тўхтаб қолдим. Таваккал қилиб бокча кирдим-у, бир донга шафтолидан узиб есам бирам ширинки, асти қўяверасиз. Эгилиб турган шохдаги шафтолиларни қўлим билан ушлаб кўраётган эдим кимдир орқа томонимда «Ҳормасинлар», деб қолди. Шартта ўгирилиб қарасам, шу боғнинг эгаси Одил бува менга қараб турибдилар. Уялганимдан икки яноғим ловуллаб қизди.

— Мана бундай силкитсангиз пишганлари тағига тушадди, — деди Одил бува койиш ўрнига очик чехра билан. Кейин ҳайратимни янада ошириб тағига тушган шафтолилардан териб олиб, дўппимнинг тескари томонида солиб дедилар:

— Мана буларни уйингизга олиб бординг.

Мен зўрға «Раҳмат» дея олдим.

Уша кезлари баъзан тенгқурларим билан ёнғоқ ўйнаб турардик. Кўшимизнинг кўча эшиги олдида катта ёнғоқ дарахти бўларди. Болалик қилиб бир кун кичик таёқчани отган эдим, бир неча ёнғоқ «дув» этиб, тағига тўкилди. Энди териб олаётганимда уйдан Салим ота чиқиб «хейт» деб қолди. Ура қочдим. Шу пайт кетимдан қўлидаги ўроқни улоқтирса бўладими. Хайрият бейимга унинг учи эмас, букилган тирсағи келиб тегди. Омон қолдим.

Икки ёши улуг кишининг тутган йўлини ҳозиргача тез-тез эслаб тураман...

Маҳкам ҲАКИМОВ.



«Оҳ, қандай мазали таом...»

А. Мамадаминнов сурат-лавҳаси.

Боланинг тили

ширин

УЙГА МЕҲМОН КЕЛГАНДИР

5 ёшли Нодира ота-онаси билан нонушта қилаётган эди. Дадаси беҳосдан пиёладаги чойни тўкиб юборди.

— Уйимизга меҳмон келадиганга ўхшайди, — деди онаси дастурхондаги намни сочиқ билан артар экан.

— Дада, — деди Нодира ажабланиб, — оёқ тўкилса уйга меҳмон келадими?

— Шундай дейишади, қизим.

Эртаси кун Нодира аяси билан бувисиникига меҳмон бўлиб борди. Бироз ўтиришгач, бувиси Нодирадан:

— Даданг келмайдими, — деб сўради.

— Дадам пиёладаги чойни тўкиб юборган бўлсалар, уйимизга меҳмон келиб қолгандир, — дея жавоб қилди у.

Раҳматилла ИСҲОҚОВ.

БИР иним хабар топиб келди: «Сағбон» кўчасини қавлаб ташлашибди! Бориб кўрдим. Ҳақиқатан ҳам шундоқ-кина 4-поликлиника олдида кўчани тўсиб қўйиб қазिश ишлари олиб борилаяпти. Чуқурнинг узунлиги энди 20-25 метрга етибди.

— Бундай аҳволда ёмғир-сочинли кун келганда ҳам ишлар тугамайди, — деди бир йўловчи кўнгилмдан кечган гапларни уққандек. — Кўра-япсизми, мана шу тўрва халта кўтариб келадиган кишилар бозордан уйларига қайишга боришга мажбур бўлишяпти. — Бошқа йўлдан автобус қатнамайдими?

— Қаёқда дейсиз. Барча йўналишлар Кумлоқ орқали «Абдулла Набиев» бекатидан ўтиб кетади. «Октябрь 40 йиллиги», «Иттифоқ», «Суръат» каби маҳаллаларда яшовчилар ўша

Тоживой тажанг

шаҳар кезади

«САҒБОН» ҚАЧОН ОЧИЛАДИ?

ергача бориб, кейин яна ортларига қайтиб келишга мажбур бўлишяпти. 65 ва 166-йўналишлардаги автобусларнинг Хастимом ва Қорасарой орқали «Сағбон» кўчасига қатновчи йўлга қўйиш мумкин. Афсуски, бунга ҳам ҳеч ким бош қотирмаяпти.

Маҳалла катталари йиғилишиб, икки энли хат билан тегишли идорага мурожаат қилсалар бўлади-ку. Балки С. Раҳимов район ижроия комитети



даги мутасаддилар қуурга мўлжалланган ариқларнинг қавланишини тезлаштиришармиди? Ҳар кунни бир қақиримдан ортиқ масофани яёв босиб ўтаётган одамларга ёрдам бергингиз келмайдими, яхшилар. А, лаббай...

Тоживой акага «Сағбон» кўчасида яшовчи меҳнат фазрийси

Фохриддин НУРИДДИНОВ ҳамроҳ бўлди.